



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 106. Joannis Martini Siliceti obitus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI. Pii V. nomine eligebatur. VII. Clemens Dolera Genuensis supremus Ordinis Fratrum Minorum, quos Observantes vocant, Præpositus in Hispania, necnon Fulginatensis Episcopus, ac Presbyter Cardinalis tit. S. Mariæ in Ara Cœli VIII. Alphonsus Caraffa, patria Neapolitanus, Pauli IV. Pontificis Nepos, ac Montis-Belli Marchionis Filius, qui ex Archiepiscopo Neapolitano Presbyter Cardinalis tit. S. Nicolai electus fuit. IX. Vitellotius Vitellius Nobilis Tiphernas, in umbria natus, ubi etiam Episcopalem Sedem tenuit, eratque Cameræ Apostolicæ Clericus, necnon Immolentis Episcopus, & Cardinalis Diaconus tit. SS. Sergii, & Bacchi, postea S. Mariæ in porticu, ac denique S. Mariæ in via lata. X. Joannes Baptista Ghislierius patria Romanus, ex nobili Ghislieriorum familia ortus, Cameræ Apostolicæ Præses, Cardinalis Diaconus tit. S. Luciae, ac demum S. Nicolai in carcere.

§. CVI.

Joannis Martini Siliceti obitus.

Ciacon.
p. 846.
And. Vi-
Flor. Add.
ad Ciacon.

Eodem, quo hi Cardinales crebantur, anno Sacrum Purpuratorum Collegium quinque suorum mortem lugebat. Hos inter primus erat Joannes Martinus de Guiso, seu Guiarro ex oppido

pido Villagarfia in Castella ex quodam **Sæcul. XVI.**
 agricola Patre suo natus. Hic postea **A.C. 1557.**
 mutato Guiarri nomine, quod *Stupidum*
 sonat, (*) Siliceus appellari voluit,
 idemque nomen suæ familiæ po-
 steri adoptabant. Porro Joannes Ile-
 renæ Grammaticæ literis operam na-
 vabat, ac qualibet Sabbati die Villa-
 graciam, a qua urbe ignobile hoc op-
 pidum haud multum distabat, rediens,
 ad totam hebdomadem panem collige-
 bat: postea vero Hispalin profectus ibi-
 dem percurso Philosophiæ curriculo Ro-
 mam venire statuit, iterque jamjam
 aggressus est. Verum Valentiam per-
 transiens, atque inopia pressus ibidem
 cujusdam Nobilis juventuti literis im-
 buendæ operam dare cogebatur: cum
 autem in eadem urbe arctam cum quo-
 dam Monacho amicitiam sibi concilias-
 set, hic rarum hujus juvenis ingenium,
 ingentemque literarum ardorem in eo
 admiratus eidem Author exstitit, ut
 potius Parisios, quam Romam conten-
 deret: Itaque Joannes hoc consilium fe-
 cutus rebus suis optime consulebat;
 quippe præter larga, quæ in hac urbe

L 1 5 ad

(*) Ciaconius loc. cit. inquit, quod Joan-
 nes Guiarrus fuerit cognominatus, quod lati-
 ne saxum, aut filicem sonat, unde se cognomi-
 nari Siliceum voluisse ferunt.

Sæcul. XVI.
A C. 1557.

ad suam sustentationem collegerat, subsidia artium Liberalium Magister, necnon in Universitate Rector renunciatus est: attamen patriæ suæ affectu commotus in Hispaniam rediit, ubi in Salmanticensi Academia Philosophiæ Professor, ac demum in Ecclesia Coriensi inter Canonicos Theologos numerabatur, postea vero a Carolo V. Cæsare in Philippi II. Filii sui Moderatorem selectus, eidem a confessionibus, atque eleemosynis erat, denique ab eodem Imperatore ad Carthaginensem Episcopatum nominatus Anno Christi millesimo quingentesimo quadragesimo tertio Pacem - Augustam decernebatur, ut Mariam Lusitanæ Principem proxime Philippo desponsandam exciperet, quo muneris honore Joannes sibi Toletanum Archiepiscopatum acquisierat.

Præterea hic Præsul continuato studio sese accerrimum Religionis Catholicæ defensorem exhibebat, seque invicto animo hæresis propagationi opposebat, simulque reditus suos in sacros usus impendebat, & potissimam eorum partem vel sublevandis pauperum miseriis, vel ornandis Ecclesiis dicabat, unde Toletanum Templum præclaro tantæ liberalitatis, ac pietatis monumento illustratum effulget, eidemque omnia prædia olim divendita restituit, reddita emptoribus

ribus pecunia; insuper ab hac Ecclesia Sæcul. XIV.
 Viros minus dignos excludens A.C. 1557.
 Canonicos probatæ virtutis substituit, legem-
 que postea a Paulo IV. approbatam con-
 didit, vi cuius nemo de Judæorum,
 aut Maurorum stirpe natus in eadem
 Ecclesia Sacri beneficii titulo honestaretur.
 Exstruxit etiam intra Ecclesiam
 Toletanam magnificum prorsus Sacel-
 lum sub invocatione Beatissimæ Virgi-
 nis, ubi etiam duo condidit Collegia,
 in quorum uno quadraginta pueri pro
 Sacro Ecclesiæ Ministerio omni virtu-
 tum genere excolerentur, in altero au-
 tem totidem puellæ Nobiles, & orpha-
 næ, necnon ingenuo genere natæ edu-
 carentur, ac demum Viro maturæ in
 matrimonium collocarentur adjecto re-
 ditu congruo: Præterea mulierum pro-
 stitutarum domum, in qua præteritæ
 vitæ noxas pœnitentia expiarent, ex-
 struxit, atque integro anno cunctos Xe-
 nodochii publici Toletani pauperes suis
 impensis sustentavit, necnon inter cete-
 ros egenos, qui in civitate, & Diœcesi
 sua habitabant, plusquam septendecim
 aureorum millia distribuit. Harum vir-
 tutum fama excitatus Pontifex Joannem
 Anno Domini millesimo quingentesimo
 quinquagesimo quinto Mense Decembri
 Cardinalium Collegio adscripsit, qua
 tamen dignitate haud diu fruebatur,
 nam

Sæcul. XVI
A.C. 1557.

nam Toleti ex calculi doloribus ferme octogenarius Anno Christi millesimo quingentesimo quinquagesimo septimo die trigesima prima Maij fatis functus, sepultusque est in Ecclesia a se ædificata pro illis virginibus, quas etiam in supremæ voluntatis suæ tabulis omnium bonorum hæredes scripserat, ut in honestiori connubio collocari possent. De cetero quasdam concinnavit paraphrases in orationem Dominicam, & Salutationem Angelicam unacum annotationibus in Canticum *Magnificat*, quas Mariæ Angliæ Regiæ præter tractatum de legibus, & Ecclesiæ Toletanæ statutis nuncupabat. Porro superstitem reliquerat fratrem suum nomine Laurentium, qui aliquam puellam ex Cavajalorum genere progenitam sibi matrimonio sociavit.

§. CVII.

Annebaldi Cardinalis fata.

Aubery l. c. Alter ex Cardinalibus hoc anno defunctis erat Jacobus Annebaldus natione Gallus in Normanniæ Provincia ex Joanne Annebaldo, & Maria Blossata natus, fratremque habuit Claudium Annebaldum Marescallum, & Gallicæ classis Præfectum. Is clericali militiæ adscriptus Joannis La Veneur, seu Venatoris Avunculi sui curæ tradebatur,